



千金方衍義

中武 9
176
6



門 賦 9
冊 176
卷 6



孫真人千金方衍義卷四



尾張菊

長洲張璐路堃著記

南沙席世臣郢客校

婦人方下 凡四類

補益第十八 論一首 方十四首



論曰凡婦人欲求美色肥白罕比年至七十與少不殊者勿服紫石英令人色黑當服鍾乳澤蘭丸也

柏子仁圓 治婦人五勞七傷羸冷瘦削面無顏

色飲食減少貌失光澤及產後斷緒無子能久

服令人肥白補益方

柏子仁

黃耆

乾薑

鍾乳

白石英

紫石英

各二兩

蜀椒

一兩半

杜仲

當歸

甘艸

芎藭

各四十銖

厚朴

桂心

桔梗

赤石脂

菴蓉

五味子

白朮

細辛

獨活

人參

石斛

白芷

芍藥

各一兩

澤蘭

二兩六銖

藁本

蕪荑

各十銖

乾地黄

烏頭

一方作牛膝

防風

各三銖

右三十味為末蜜和酒服二十九丸如梧子不知加

至三十九

千金翼無烏頭有龍骨防葵茯苓秦芫各半兩并治產後半身枯痺

衍義

千金立方之義專以方下所主之證為主此方主

治總以羸冷二字為之綱旨故用鍾乳紫白石英

赤石脂為峻溫藏氣之專藥較大五石澤蘭丸中

所用石藥祇少禹糧石膏較小五石澤蘭丸祇少

陽起石石膏蓋禹餘糧主腹中雷鳴陽起石專主

冷勞虛損小五石中以有礬石大五石中以有龍

骨故用石膏以清解二藥之滯滯此方專主羸冷

羸之與勞輕重懸殊既無藉於斂滯亦無庸於清

解其立方本意全在崩中經漏崩中經漏係衝脉
所主衝脉附肝而行原非脾腎之病故無藉禹糧
陽起石也石性重著故須薑棗辛烏等雄悍以發
之然用溫補必兼辛散而厚朴爲疏通裏氣之要
藥如局方消風散既用人參助風之勢又以厚朴
疎裏氣之壅不出此方之成則耳然用厚朴之義
有二一輔白朮健運中氣一統蕪荑清理濁帶以
婦人經行時風入胞門而患濁帶者多故用防風
藁本白芷獨活等風藥協力祛之所謂治病必求
其本也所以大小五石澤蘭丸大小澤蘭丸三石
澤蘭丸鍾乳澤蘭丸增損澤蘭丸澤蘭散諸方無
不用等味爲補中寓瀉之法諸方之下雖不言濁
帶而崩淋漏下無不起於濁帶也且防風能助黃
耆白朮甘艸固密腠理兼有川芎杜仲地黃芍藥
菴蓉五味人參滋補氣血胡慮面顏之不光澤也
其用柏子仁桔梗石斛澤蘭者取其清潤以制諸
藥之燥烈而獨以柏子仁名方者以其能達心包
保護君主也其桔梗開提肺氣石斛專司清胃不
使熱藥之性上于肺胃也觀大小五石復以澤蘭
名方者爲其專於調經故總不出等味爲石藥之

監制耳 前云服紫石英令人色黑當服鍾乳澤
蘭丸以紫石英性專溫血血溫色必緇黑此方原
以鍾乳澤蘭益氣調經為主雖有紫石英不專溫
血故服之令人肥白也

大五石澤蘭圓 治婦人風虛寒中腹內雷鳴緩
急風頭痛寒熱月經不調繞臍惻惻痛或心腹
痞堅害飲食手足冷多夢身體痺痛營衛不和
虛弱不能動及產後虛損並宜服方

鍾乳

禹餘糧

紫石英

甘艸

黃耆

石膏

白石英

蜀椒

乾薑

澤瀉 二兩
六銖

當歸

桂心

芎藭

厚朴

柏子仁

乾地黄

細辛

茯苓

五味子

龍骨

石斛

遠志

人參

續斷

白朮

防風

烏頭

山茱萸

紫苑

白芷

藁本

蕪荑

右三十二味爲末蜜丸梧子大酒服二十九加至

三十九千金翼有陽起石二兩

小五石澤蘭圓 治婦人勞冷虛損飲食減少而

無光色腹中冷痛經候不調吸吸少氣無力補

益温中方

鍾乳 紫石英 礬石各一兩半

白石英 赤石脂 當歸

甘艸各四十 石膏 陽起石

乾薑各二兩 澤蘭二兩六銖 菝葐

龍骨 桂心各二兩半 白朮

芍藥 厚朴 人參

蜀椒 山茱萸各三十銖 柏子仁

藁本各一兩 蕪荑十八銖

右二十三味為末蜜和丸如梧子大酒服二十九加至三十九日三

衍義大五石澤蘭圓專主風虛寒中以寒積子藏繞臍

惻惻痛非諸辛燥石藥不能温之風入胞門而腹

內雷鳴非防芷等風藥不能透之與柏子仁丸之

大端不殊丹方一味白芷為都梁丸總取祛風之

義此方即於柏子仁丸中除去石脂諸味配入禹

餘糧等以實脾收津為務非若柏子仁丸杜風固

經之比按赤脂禹糧仲景治下焦利不止並用作湯專於固脫效之本經赤石脂主女子崩中漏下禹餘糧治欬逆寒熱大五石方下原有寒熱等證用禹餘糧最為合宜小五石方下全無風證故去烏頭細辛防風芎芷等藥但加陽起礬石石脂等味專行固脫扶陽故所加之味尤為必需上方皆鍾乳與朮並用專取相對激其成功拘於繩墨者不可與言至巧也

增損澤蘭圓 治產後百病理血氣補虛勞方

澤蘭

甘艸

當歸

芎藭 各四十
二銖

附子

乾薑

白朮

白芷

桂心

細辛 各二
兩

防風

人參

牛膝 各三
十銖

柏子仁

乾地黃

石斛 各三十
六銖

厚朴

藁本

蕪荑 各半
兩

麥門冬 一兩

右二十味為末蜜丸如梧子大空心酒下十五丸至二十九

衍義 增損者增附子門冬牛膝損諸石龍骨等鎮固重劑也方下所主本經原無藉於等味產後厥陰用

事風藥良不可缺但不必烏頭之峻攻而易附子
溫經為當用門冬者即金匱溫經湯之成法產後
以清理惡露為主一切固瀉咸為切禁故用牛膝
之類潤下佐澤蘭為引導也

大補益當歸圓 治產後虛羸不足胸中少氣腹
中拘急疼痛或引腰背痛或所下過多血不止
虛極乏氣晝夜不得眠及崩中面目脫色唇乾
口燥亦治男子傷絕或從高墮下內有所傷藏
虛吐血及金瘡傷犯皮肉方

當歸

芎藭

續斷

乾薑

阿膠

附子

白朮

吳茱萸

芍藥 各二兩

白芷 各三兩

桂心

乾地黄 十兩

右十三味為末蜜和丸如梧子大酒服二十九日
三夜一不知加至五十九丸若有真蒲黃加一升絕
妙

白芷圓 治產後所下過多及崩中傷損虛竭少

氣面目脫色腹中痛方

白芷 五兩

乾地黄 四兩

續斷

千金方衍義卷四
乾薑

當歸

阿膠 各二兩

附子 一兩

右七味為末蜜丸如梧子大酒服二十九日四五服無當歸芎藭代入蒲黃一兩炒無續斷大薊根代

衍義

大補益當歸圓與前三卷中大補中當歸湯相類

專主產後崩中不止即於增損澤蘭圓中又行增損損去澤蘭柏仁人參冬斛辛防朴藁牛膝蕪黃加入阿膠茱萸芎藥續斷專力溫經經得溫則流行無滯正得補而行止有常縱有墮墜損傷亦可藉以溫散可無積滯之虞矣至白芷圓主治相類而損之又損并去地黃芎桂甘木芍萸僅存七味藥愈損而功愈增百練精金其斯之謂歟

紫石英柏子仁圓 治女子遇冬天時行溫風至

此春夏病熱頭痛熱毒風虛百脉沉重下赤白不思飲食而頭眩心悸酸嘶恍惚不能起居方

紫石英 柏子仁 各三兩 烏頭

桂心 當歸 山茱萸

澤瀉 芎藭 石斛

遠志 寄生 菴蓉

乾薑

甘艸各二兩

蜀椒

杜衡

一作杜仲

辛夷

各一兩

細辛

一兩半

右十八味蜜和丸如梧子酒服二十九漸加至三十九日三服 一方用牡蠣一兩

衍義

檢先哲方如參尊宿公案非心心相印何以體此

此方治女子遇冬天時行溫風至春夏病熱頭痛熱毒風虛等證而所用諸藥渾是溫養血氣之味夫冬時溫風久伏至春夏而發溫熱頭痛豈辛溫助火重著補虛之品所可治乎逆推病情惟熱毒風虛四字為致病之大綱惟其虛故風得久藏而化毒熱惟其虛故陽不統陰而下赤白雖證見發熱頭痛殊非溫病熱病通身壯熱煩渴頭痛之比方下原云溫風風為木邪同氣相感必入厥陰所以頭眩心悸風主運動故也況明言百脉沉重而下赤白不思飲食不能起居種種皆陽氣不足不能統攝陰津而致下脫是不得不從事辛溫填補血氣為務也因考諸本經言杜衡治溫風中入腦戶頭腫痛涕淚柏子仁益氣除風熱辛夷治頭痛腦痛芎藭治中風入腦頭痛寒痺彙參經旨總主冬時溫風入藉於腦之患常見婦人產後起居不

慎而病頭風腦痛雖蒸蒸熱却大畏虛風雖當
夏月尚喜重綿裹護斯非熱毒風虛之一驗乎其
用石斛澤瀉寄生者一以清胃進食一以利水導
熱一以飭理赤白也若不達斯義以為此方主治
春夏溫熱與負薪救燎不殊殊失千金立方之奧
矣

鍾乳澤蘭圓 治婦人久虛羸瘦弱甚肢體煩痛

臍下結冷不能食面目瘀黑憂恚不樂百病方

鍾乳 三兩 澤蘭 三兩六銖 防風 四十二銖

人參 柏子仁 麥門冬

乾地黃 石膏 各一兩半

芍藥 甘艸 白芷

牛膝 山茱萸 薯蕷

當歸 各三銖 藁本 各三銖 細辛

桂心 各一兩 蕪荑 半兩 艾葉 十八銖

右二十一味為末蜜丸如梧子酒服二十九加至
四十九日二服

衍義 此方專主臍下結冷肢體煩熱故用鍾乳桂心艾
葉峻溫其下石膏石斛麥冬分清其上其餘諸味
各隨所主總以補下治本清上治標為務也

大澤蘭圓 治婦人虛損及中風餘病疝瘕陰中
冷痛或頭風入腦寒痺筋攣緩急血閉無子面
上遊風去來目淚出多涕唾忽忽如醉或胃中
冷逆胸中嘔不止及泄痢淋瀝或五臟六腑寒
熱不調心下痞急邪氣欬逆或漏下赤白陰中
腫痛胸脇支滿或身體皮膚中澀如麻豆若癢
痰癖結氣或四肢拘攣風行周身骨節疼痛目
眩無所見或上氣惡寒灑淅如瘧或喉痺鼻鼈
風癩癩疾或月水不通魂魄不定飲食無味并
產後內衄無所不治服之令人有子方

澤蘭 二兩
六銖

藁本

當歸

甘艸 各一兩
十八銖

紫石英 三兩

芎藭

乾地黄

柏子仁

五味子 各一兩
兩半

桂心

石斛

白朮 一兩
六銖

白芷

菴蓉

厚朴

防風

薯蕷 十八粒
茯苓 一兩半

乾薑

禹餘糧

細辛

卷柏 各一兩

蜀椒

人參

杜仲

牛膝

蛇牀子

續斷

艾葉

蕪荑 各十
八銖

赤石脂

石膏 各二兩

右三十二味為末蜜和丸如梧子大酒服二十九至四十九久赤白痢去乾地黃石膏麥門冬柏子仁加大麥蘗陳麩龍骨阿膠黃連各一兩半有鍾乳加三兩良 一有枳實十八銖麥冬一兩半

小澤蘭圓 治產後虛羸勞冷身體羸瘦方

澤蘭 二兩六銖

當歸

甘艸 各一兩十八銖

芎藭

柏子仁

防風

茯苓 各一兩

白芷

蜀椒

藁本

細辛

白朮

桂心

蕪荑

人參

食茱萸

厚朴 各十銖

石膏 二兩

右十八味為末蜜和丸如梧子大酒服二十九日三服稍加至四十九無疾者依此方春秋二時常服一劑甚良有病虛羸黃瘦者服如前 一方無茯苓石膏有芍藥乾薑

衍義

方以澤蘭命名原為調經而設以調經必須風藥補虛必須溫味所以大澤蘭圓借治方下諸證咸為合宜惟治鼻鼈喉痺難以槩論鼻鼈雖屬風寒客於頭腦鬱遏既久乃從火化所以氣塞不通然

雖鬱熱非假芎辛之溫散不能通達喉痺多屬龍
火鬱發最暴大禁辛溫祇暴寒卒犯少陰而喉痛
聲啞不腫不渴一證非溫不克然用辛熱破陰仍
須鹹寒治標則卷柏又為必須至人臨證洞若觀
火諒無不辨寒熱之理千金處方如主帥統師大
則大用小則小用其大澤蘭圓通治一切虛冷藥
品不得不繁小澤蘭圓專主產後羸瘦無藉三
石蛇牀等重劑但進食茱萸一味振發參朮芎歸
之力以助澤蘭藁本治產後虛羸綽有餘裕矣
紫石英天門冬圓治風冷在子宮有子常墮落

或始為婦便患心痛仍成心疾月水都未曾來

服之肥充令人有子方

紫石英 天門冬 禹餘糧各三兩

蕪荑 烏頭 菴蓉

桂心 甘艸 五味子

柏子仁 石斛 人參

澤蘭 遠志 杜仲各二兩

蜀椒 卷柏 寄生

石南 雲母 當歸

烏賊骨各一兩

右二十二味爲末蜜丸如梧子酒服二十九日二服加至四十九

衍義紫石英柏子仁丸主風寒襲於腦戶而化毒熱故用細辛辛夷以搜腦戶之虛風柏仁杜蘅以清巖頂之毒熱此以風寒襲入胞門而墮胎息故用石南雲母以溫子藏之沉寒卷柏烏賊以清血室之瘀熱則諸溫補各司其職而臟腑安和衝任無滯心腹之疾自愈也

三石澤蘭圓治風虛不足通血脉補寒冷方

鍾乳

白石英

各四兩

紫石英

防風

藁本

伏神

各一兩六銖

澤蘭

二兩六銖

黃耆

石斛

石膏

各二兩

甘艸

當歸

芍藥

各一兩十八銖

白朮

桂心

人參

乾薑

獨活

乾地黄

各一兩兩半

白芷

桔梗

細辛

柏子仁

五味子

蜀椒

黃芩

菴蓉

芍藥

秦艸

防葵

厚朴

蕪荑

各十銖

右三十二味爲末蜜丸如梧子酒服二十九加至三十九日二三服

衍義

增損澤蘭圓卽大小澤蘭圓之稍變三石澤蘭圓卽大小五石澤蘭圓之稍變以其專主風虛血脈不通故於大五石中除去餘糧龍骨小五石中除去礬石石脂等潛固之藥專藉防葵以通血脈與大小五石同源異派

大平胃澤蘭圓 治男子女人五勞七傷諸不足定志意除煩滿手足虛冷羸瘦及月水往來不

調體不能動等方

澤蘭

細辛

黃耆

鍾乳 各三兩

柏子仁

乾地黃 各二兩半

大黃

前胡

遠志

紫石英 各二兩

芎藭

白朮

蜀椒 各一兩半

白芷

丹參

枳實 一作梔子

芍藥

桔梗

秦艽

沙參

桂心

厚朴

石斛

苦參

人參

麥門冬

乾薑 各一兩

附子 一枚

吳茱萸

麥蘗 各五合

陳麴 一升

棗 五十枚
作藁

右三十二味為末蜜丸梧子大酒服二十九加至

三十九令人肥健 一本無乾薑有當歸三兩

衍義

不讀金匱方無以知千金之法源不讀千金方何

以廣金匱之變法此以大平胃名方則知專平胃

中陳氣也而方中一派峻補之藥與柏子仁圓大

小五石澤蘭圓三石澤蘭圓等方大都彷彿惟麴

蘖枳朴大黃平胃之品為承氣之正治其間補瀉

雜陳寒熱互用良難體會其旨三復求之始知其

為金匱薯蕷丸之變方方中秦艽前胡細辛白芷

即薯蕷丸中柴胡防風杏仁白斂開發風氣之變

法澤蘭柏仁門冬沙參即薯蕷丸中門冬桔梗清

潤膈氣之變法麴蘖大黃即薯蕷丸中法麴大豆

黃芩疏通裏氣之變法椒薑萸附協濟參芪白朮

生乾地黃即薯蕷丸中乾薑桂枝協濟四君四物

溫理血氣之變法較薯蕷丸藥雖異而理一揆且

配合不可思議參芪得桂附則補而不壅桂附得

芍地則溫而不烈蘖蘖大黃得參朮桂附則泄而

不利允為補中寓瀉之良法不特為薯蕷丸之變

方又為大黃廩蟲丸之變法觀方下主治恰與大

黃蘆蟲丸相類彼以內有乾血故蟲蘆乾漆為專藥此以胃有陳氣則麴蘗大黃為必需況人參助朮石英輔乳較柏子仁丸等方之反激愈甚立法愈奇何怪當世醫師目睹金匱千金諸方而為目眩也達權之士但當精研其旨必不固守其方期可法千金之妙用亦何妨適俗之變通也

澤蘭散 治產後風虛方

澤蘭 五分

禹餘糧

防風

石膏

白芷

乾地黄

赤石脂

肉蓯蓉

鹿茸

芎藭 各八分

藁本

蜀椒

白朮

柏子仁 各五分

桂心

甘艸

當歸

乾薑 各七分

蕪荑

細辛

厚朴 各四分

人參 三分

右二十二味為末治下篩酒服方寸七日三

衍義

男子以煖腎為補益婦人以調經為補益而經漏

多主風虛故藁本細辛防風白芷為本藥然經漏

每挾瘀滯則澤蘭芎藭厚朴蕪荑尤為必需所以

柏子仁圓等一十三方大都相類惟固脫則兼龍

骨礬石開結則兼防葵杜蘅壯火則兼石南雲母
清熱則兼卷柏柏仁更一佐使而所主各司其任
矣此主產後風虛乃取鹿茸血氣所鍾之味配入
劑中與大巖蜜鹿茸散蒲黃散等方藥雖繁簡不
侔而溫補之功用彷彿其用鹿茸者與大補益當
歸圓中阿膠同義其方中禹餘糧防風澤蘭最多
而人參反少於蕪荑細辛厚朴者不過借以鼓發
鹿茸地黃輩血藥之性原非用以益氣也孰謂錙
銖可忽乎

月水不通第十九方三十三首

乾薑圓 治婦人寒熱羸瘦酸消怠惰胸中支滿
肩背脊重痛腹裏堅滿積聚或痛不可忍引腰
小腹痛四肢煩疼手足厥逆寒至肘膝或煩滿
手足虛熱意欲投水中百節盡痛心下常苦懸
痛時寒時熱惡心涎唾喜出每愛鹽酸甜苦之
物身體或如雞皮月經不通大小便苦難食不
生肌方

乾薑

芎藭

茯苓

消石

杏仁

水蛭

蝨蟲

桃仁

蟻螬

柴胡

麤蟲各一兩

芍藥

人參

大黃

蜀椒

當歸各二兩

右十六味為末蜜丸梧子大空心飲下三丸不知

加至十九千金翼以療婦人瘕結腸助下疾

衍義

夫溝渠壅塞則水道不通血脉阻滯則經矣閉絕

婦人經閉不行非中有乾血何致積久不通觀干

金此門諸方縱有寒熱交錯緩急輕重不同一皆

破血為務乾薑丸雖本玉函抵當丸兼金匱下瘀

血湯大黃蠱蟲丸等法而藥味兼護且用蜜丸而

所服甚少藥雖峻猛而用法最緩蠱蛭蠱螯攻血

之專劑濟以消黃椒薑和以芎歸芍藥佐以桃杏

柴苓使蠱蛭等味得寒熱互擊之威助以人參壯

諸藥力續續循搜為破除乾血之良法蓋久伏之

瘀在人身中與元氣混成一片雖急攻之不能速

去故宜峻藥緩攻法克有濟所以治乾血之方用

丸居多間用酒煎以行經絡湯則藉為前導繼之

以丸可也

桃仁湯 治婦人月水不通方

桃仁

朴硝

牡丹皮

射干

土瓜根

黃芩 各三兩

芍藥

大黃

柴胡 各四兩

牛膝

桂心 各二兩

水蛭

蠱蟲 各七枚

右十三味咬咀以水九升煮取二升半去滓分三服

又方

桃仁 一升

當歸

土瓜根

大黃

水蛭

蠱蟲

芫硝 各二兩

牛膝

麻子仁

桂心 各三兩

右十味咬咀以水九升煮取三升半去滓內硝令

烱分為三服

肘後無當歸麻子仁用牡丹射干黃芩芍藥柴胡各一兩千金翼無蠱蟲

芫硝湯 治同前

芫硝

丹砂末

當歸

芍藥

土瓜根

水蛭 各二兩

大黃 三兩

桃仁 一升

右八味咬咀以水九升煮取三升去滓內丹砂芫

硝分三服

衍義

桃仁湯前後二方咸本之於抵當湯其間蠱蛭硝

黃桃仁桂心牛膝土瓜根等味皆同而前方又出
肘後原其用柴胡黃芩之意必是乾血內逆熱蒸
於上故用少陽經藥兼射干降而泄之牡丹芍藥
不特和營兼滋乾血使之得潤而可漸通也其後
方用當歸滋燥即前方牡丹芍藥和營之意用麻
仁潤下則前方射干降泄之意以無蒸熱故不用
少陽經藥也 其芑硝湯一方藥止八味乃抵當
湯丸之三土瓜根散之二桃仁湯中之七獨以丹
砂一味鎮攝心主使血各歸其鄉不致竄入科囊
復為瘀積既敗之血隨硝黃水蛭桃仁引之下泄

與桃仁湯前後並馳無分優劣

消石湯 治血瘀月水留瘀血大不通下病散堅

血方

消石

附子

蠹蟲 各三兩

大黃

細辛

乾薑

黃芩

各一兩

芍藥

土瓜根

丹參

代赭

蟻螬 各二兩

大棗

十枚

桃仁

二升

牛膝 一斤

朴硝

四兩

右十六味咬咀以酒五升水九升漬藥一宿明日

煎取四升去滓下朴硝消石烱盡分四服相去如
炊頃去病後食黃鴨羹勿見風

衍義方中芒硝消石並用一治五臟積熱一逐六腑積
聚大黃附子並用一治固結沉寒一泄閉滯積氣
則蟲蟲蟻螬得以振破堅散血之功也

乾漆湯 治月水不通小腹堅痛不得近方

乾漆

葳蕤

芍藥

細辛

附子

甘艸

各一兩

當歸

桂心

芒硝

黃芩

各二兩

大黃

三兩

吳茱萸

一升

右十二味咬咀以清酒一斗浸一宿煮取三升去
滓內硝烱盡分三服相去如一炊頃

治月經不通心腹痛絞欲死通血止痛方

當歸

大黃

芍藥

各三兩

吳茱萸

乾地黄

乾薑

芎藭

蟲蟲

水蛭

各二兩

細辛

甘艸

桂心

各一兩

梔子

十四枚

桃仁

一升

右十四味咬咀以水一斗五升煮取五升分五服
一本有牛膝麻子仁各三兩

行義
乾漆灰破血之猛帥濟以桂附硝黃交通寒熱縱
久伏之血可無負隅之悍益以歸芍葳蕤資其潤
澤可無堅乾之戚其細辛茺萸黃芩各隨寒熱之
佐使耳 于乾漆湯中除去漆灰苾硝黃芩吳茺
萸萎蕤易入蟲蛭桃杏乾薑梔子芎藭地黃等味
總不外乎攻血之旨一以堅痛不移故用乾漆堅
韌之物以磨礪之一以絞痛攻擊是須蟲蛭蠕動
之物以剝蝕之兩不移易之定法桃仁湯之變方
也

前胡牡丹湯 治婦人盛實有熱在腹月經瘀閉

不通及勞熱熱病後或因月經來得熱不通方

黃前胡 牡丹 元參

桃仁 黃芩 射干

旋覆花 栝藂根 甘艸 各二兩

芍藥 茯苓 大黃

枳實 各三兩

右十三味咬咀以水一斗煮取三升分三服

黃芩牡丹湯 治女人從小至大月經未嘗來顏

色萎黃氣力衰少飲食無味方

黃芩 牡丹 桃仁

瞿麥

芎藭

各二兩

芍藥

枳實

射干

海藻

大黃

各三兩

蟲蟲

七十枚

水蛭

五十枚

蟻蠶

十枚

右十三味咬咀以水一斗煮取三升分三服服兩

劑後灸乳下一寸黑員際各五十壯

衍義

二方一因婦人所稟偏於熱勝及病後餘熱流於血室而致不月故用前胡旋覆下熱氣而散餘邪黃芩黑參以化無形之氣枳實大黃以導有形之熱丹皮芍藥桃仁以潤燥安營射干栝蘂茯苓甘

艸以降氣利膈氣血交通當無慮於月事之阻滯矣一以女子月素未通或鬱熱內戕而致血結不行故用黃芩丹皮以化熱枳實大黃以導滯芍藥桃仁以和營射干瞿麥海藻以降逆蟲蛭蟻蠶以破血也其前胡牡丹湯本金匱旋覆花湯專祛子藏風氣以無乾血故無藉於蟲蛭黃芩牡丹湯本之抵當以無風氣餘熱故無取於柴芩其用海藻瞿麥與栝蘂茯苓無異總輔射干以建開痰利水之勳耳

牡丹圓

治婦人女子諸病後月經閉絕不通及

從小來不通并新產後瘀血不消服諸湯利血後餘痰未平宜服之取平復方

牡丹 三兩

芍藥

元參

桃仁

當歸

桂心

各二兩

蟲蟲

水蛭

各五枚

蟻螬

二枚

瞿麥

芎藭

海藻

各一兩

右十二味為末蜜和丸如梧子大酒下十五丸加至二十九血盛者作散服方寸匕腹中當轉如沸血自化成水去如小便赤少除桂心用地膚子一

兩

衍義

此以黃芩牡丹湯小變其法湯以急蕩故用大黃丸以緩攻故用桂心總藉蟲蛭蟻螬之力也血盛者作散服服後血化成水而下即除桂心而用地膚清熱利水水即血之所化無限活法惟在詳見證之緩急耳

乾地黃當歸圓

治月水不通或一月再來或隔

月不至或多或少或淋瀝不斷或來而腰腹刺痛不可忍四體噓吸不欲食心腹堅痛有青黃黑色水下或如清水不欲行動舉體沉重惟思眠臥欲食酸物虛乏黃瘦方

乾地黄 三兩

當歸

甘艸 各一兩

牛膝

芍藥

乾薑

澤蘭

人參

牡丹 各一兩六銖

丹參

蜀椒

白芷

黃芩

桑耳

桂心 各一兩

麤蟲 四十枚

芎藭 一兩十銖

桃仁 二兩

水蛭

蠃蟲 各七枚

蒲黃 二合

右二十一味為末蜜丸如梧子每日空心酒下十五丸漸加至三十九以知為度

衍 月經雖常不通而有時暫來有時復阻且見腹痛

下青黃水明是乾血內滯欲成崩漏之兆故立方不離四物調經為主參入蠃麤桃仁以破滯血椒薑桂心以開結積黃芩桑耳以通旺氣人參以助藥力其餘諸味散血調經之佐也

治月經不通方

取葶藶一升為末蜜丸如彈子大綿裹內陰中入三寸每丸一宿易之有汗出止

衍 破血之藥頗多獨取葶藶為導專行破積利水水

去則血隨之而化矣

乾漆圓 治月經不通百病不瘥方

乾漆

土瓜根

射干

芍藥

各一兩半

牡丹

牛膝

黃芩

桂心

吳茱萸

大黃

柴胡

各一兩六銖

桃仁

鱉甲

各二兩

廔蟲

蟻螬

各四枚

水蛭

蟲蟲

各七枚

大麻仁

四合

亂髮

雞子大二枚

菴藺子

二合

右二十味為末以蜜和為丸每日酒下十五丸如梧子大漸加至三十九日三仍用後浸酒服前丸藥

衍義

方下但言月經不通百病不瘥並未明言所見何

病詳方中所用破血之味不待言矣其用柴胡鱉

甲必有日晡寒熱也用麻仁土瓜根者必是津液

固結也用射干菴藺者必是上氣浮腫也用黃桂

芩連者必因本寒標熱也其餘牡丹芍藥牛膝桃

仁輩皆乾漆蟲蛭之輔助也百病不瘥漸成勞瘵

一勞瘵之根不出乾血如上等味雖有兼治然無一

不為瘀血起見也

浸酒方

大麻子

菴藺子

二升

桃仁

桂心

竈屋煖煤

各四兩

土瓜根

射干

各六兩

牛膝

八兩

右八味咬咀以清酒三斗絹袋盛藥浸五宿以一盞下前九藥甚良或單服之亦好

衍義

前乾漆圓羣隊破血曲盡百病不瘥之機而此復

取方中七味加煖煤之輕浮散火浸酒服丸兩相維輔並用單用未為不可

當歸圓 治女人臍下癥結刺痛如蟲所嚙及如

錐刀所刺或赤白帶下十二疾腰背疼痛月水或在月前或在月後方

當歸

葶藶

附子

吳茱萸

大黃

黃芩

桂心

乾薑

牡丹

芎藭

細辛

秦椒

柴胡

厚朴

牡蒙

甘艸

蠹蟲

水蛭

右十八味為末蜜丸如梧子空心酒下十五丸日再有胎勿服之

又方 治腰腹痛月水不通利方

當歸

芎藭

蠹蟲

烏頭

丹參

乾漆

各一兩

人參

牡蠣

土瓜根

水蛭

各二兩

桃仁

五十枚

右十一味為末以白蜜丸如梧子大酒下三九日

三服

衍義

當歸丸前後兩方雖皆主治血結而有愆期閼絕之不同前方專主癥結故取用桂附椒薑吳茱萸辛熱破結即兼蟲蛭葶藶大黃予以病之出路用牡蒙細辛柴胡黃芩者為帶下赤白而設以帶下多緣風木也 後方專主閉絕不通故備用乾漆

桃仁蟲蛭苦鹽逐血即兼人參烏頭戮力破除其

用人參用大黃各立見不得草草放過

鱉甲圓 治女人小腹中積聚大如七八寸盤面

上下周流痛不可忍手足苦冷欬噫腥臭兩脇

熱如火灸玉門冷如風吹經水不通或在月前

或在月後服之一月便瘥有孕此是河內太守

魏夫人方

鱉甲

桂心

各一兩半

蜂房

半兩

元參

蜀椒

細辛

人參

苦參

丹參

沙參 吳茱萸各十 麤蟲

水蛭 乾薑 牡丹

附子 皂莢 當歸

芍藥 甘艸 防葵各一

蟻螬二十枚 蠱蟲 大黃各一兩

右二十四味為末蜜丸如梧子大酒下七九日三

稍加之以知為度

衍義

驚甲入肝為癥瘕瘵癰要藥有散血消積之功滋陰清熱之効無苦寒傷中之虞峻攻耗氣之患夫癥瘕結塊婦人居多以經行時不慎起居血留成

積者十常四五故千金往往用之此丸當分作五分看蠱螬麤螬大黃為小腹中積聚如盤而設乾血內著非苦寒不能逐之使下驚甲苦沙元參為兩勝熱如火灸而設癖積旺氣非滋陰不能化之使解椒辛皂莢防葵蜂房為上下周流痛不可忍而設風毒攻注非搜逐不能開之使泄薑桂萸附為玉門冷如風吹而設寒結固疾非辛烈不能破之使散甘艸人參二丹歸芍為手足苦冷欬噫腥臭而設傷殘之餘非溫理血氣不能培之使和人但知驚甲苦沙元參為滋陰清熱之用不知本經

所主無一不為消堅散積之專藥至於防葵利血
脉蜂房滌痰垢皆破敵之先鋒金匱蠶甲煎丸用
之婦人小腹如扇用附子湯亦金匱法非千金不
能得其肯綮也

又方 治婦人因產後虛冷堅結積在腹內月經
往來不時苦腹脹滿繞臍下痛引腰背手足煩
或冷熱心悶不欲食方

蠶甲 一兩
半

乾薑

赤石脂

丹參

禹餘糧

當歸

白芷 一作
白朮

乾地黃 各一兩
六銖

代赭

甘艸

鹿茸

烏賊骨

殭蠶 各十
八銖

桂心

細辛

蜀椒

附子 各一
兩

右十七味為末蜜和丸如梧子大空心酒下五丸
加至十九

衍義此方治產後虛冷是須溫補為宜雖有結滯滿痛
而月事仍得往來與癥瘕固結不同故但取烏賊
蠶甲緩散瘀積可無藉於蝨蛭苦參等味也殭蠶
白芷緩祛內風輔以椒辛可無藉于防葵蜂房等
味也桂附乾薑專破冷結可無藉于吳茱萸也鹿

茸温養營血佐以歸地丹甘功力甚于人參也石
脂禹糧代赭填補其空原無固結可無礙于止瀉
也一以破結為先一以温補為務二方可比例而
論哉

禹餘糧圓 治婦人產後積冷堅癖方

禹餘糧

烏賊骨

吳茱萸

桂心

蜀椒

當歸

白朮

細辛

乾地黄

人參

芍藥

芎藭

前胡

各一兩
六銖

乾薑

三兩

礬石

六銖

白薇

紫苑

黃芩

各十
八銖

麤蟲

一兩

右十九味為末蜜和丸如梧子大空心酒若飲下
二十九日二不知則加之

衍義

此與鱉甲丸第二方主治相類彼用白芷此用白
薇彼用疆蠶此用前胡彼用石脂此用礬石彼用
丹參此用紫苑彼用白朮此用甘艸彼用鱉甲此
用麤蟲彼用鹿茸此用人參藥雖變易而功用彷彿
惟彼用附子以助鹿茸薑桂之雄此用黃芩分
椒薑細辛之悍涇渭攸分於此稍異

牡蒙圓 治婦人產後十二癥病帶下無子皆是
 冷風寒氣或產後未滿百日胞絡惡血未盡便
 利于懸圓上及久坐濕寒入胞裏結在小腹牢
 痛為之積聚小如雞子大者如拳按之跳手隱
 隱然或如蟲嚙或如針刺氣時捨心兩脇支滿
 不能食飲食不消化上下通流或守胃管痛連
 玉門背膊嘔逆短氣汗出小腹苦寒胞中創欬
 引陰痛小便自出子門不正令人無子腰膝疼
 痛四肢沉重淫躍一身盡腫乍來乍去大便不
 利小便淋瀝或月經不通或下如腐肉青黃赤

白黑等如豆汁夢想不祥方一名紫蓋丸

牡蒙 厚朴 消石

前胡 乾薑 麤蟲

牡丹 蜀椒 黃芩

桔梗 茯苓 細辛

葶藶 人參 芎藭

吳茱萸 桂心各十入銖 大黃二兩半

附子一兩六銖 當歸半兩

右二十味為末蜜和更搗萬杵丸如梧子大空心
 酒服二九日三不知則加之至五六丸下青白黃

赤如魚子者病根出矣

衍義方下主治最繁總不出冷風寒氣四字為致病之網所以首推牡蒙前例專祛胞門風氣餘皆因病變證之治法與前當歸丸二方參看其義自明治月經不通結成癥瘕如石腹大骨立宜此破血

下癥方

大黃

消石 各六兩

巴豆

蜀椒 各兩

代赭

柴胡 熬變色

水蛭

丹參 熬令紫色

土瓜根 各三兩

乾漆

芎藭

乾薑

蟲蟲

茯苓 各二兩

右十四味為末巴豆別研蜜和丸如梧子空心酒

服二丸不知加至五丸日再服 千金翼無柴胡水蛭丹參土瓜根

衍義癥結日久而致腹大骨立審無風氣崩帶別證夾

雜但須專力破癥癥散則精自回形自復而柴胡

用熬欲其內疎肝氣無取外散之意惟氣虛不勝

攻尅者未可輕試

大蟲蟲圓 治月經不通五七年或腫滿氣逆腹

脹瘦痛宜服此數有神驗方

蟲蟲 四百枚

蟻螬 一升

乾地黃

掃葉山房

牡丹

乾漆

芍藥

牛膝

土瓜根

桂心各四兩

吳茱萸

桃仁

黃芩

牡蒙各三兩

茯苓

海藻各五兩

水蛭三百枚

芒硝一兩

人參一兩半

葶藶五合

右十九味為末蜜丸梧子大每日空心酒下七丸

不知加之日三服

衍義

癥結歲久月閉不通非師金匱之法無以措指方

中蠱蟲水蛭蟻蠹乾漆桃仁芍藥地黃黃芩等味

一 大黃蠱蟲丸中藥也其外牡蒙土瓜根牛膝牡丹

專破瘀積之癥葶藶海藻芒硝專破血化之水參

苓桂心專扶正氣而行藥力也

桂心酒 治月經不通結成癥瘕方

桂心

牡丹

芍藥

牛膝

乾漆

土瓜根

牡蒙各四兩

吳茱萸一升

大黃三兩

黃芩

乾薑各二兩

蠱蟲二百枚

蠱蟲

蟻蠹

水蛭各七枚

亂髮灰

細辛各一兩

殭蠶五十枚

大麻仁

竈突墨 三升

乾地黃 六兩

虎杖根

驚甲 各五兩

菴藺子 二升

右二十四味咬咀以酒四斗分兩甕浸之七日併一甕盛攪令調和分作四甕初服二合日二加至三四合

虎杖煎

治腹內積聚虛脹雷鳴四肢沉重月經

不通亦治丈夫病方

取高地虎杖根細剉二斛以水二石五斗煮取一大斗半去滓澄濾令淨取好醇酒五升和煎令如飴每服一合消息為度不知則加之

又方

治月經不通結痕腹大如甕短氣欲死方

虎杖根

百斤去頭去土曬乾切

土瓜根

牛膝 各取汁二斗

右三味咬咀以水一斛浸虎杖根一宿明旦煎取二斗內土瓜牛膝汁攪令調和煎令如飴每以酒服一合日再夜一宿血當下若病去止服

桃仁煎

治帶下經閉不通方

桃仁

蠱蟲 各一升

朴硝 五兩

大黃 六兩

右四味為末別治桃仁以醇苦酒四升內銅鑪中

千金方卷四
炭火煎至二升下大黃桃仁蠱蟲等攪勿住手當
欲可丸下朴硝更攪勿住手良久出之可丸乃止
取一九如雞子黃投酒中預一宿勿食服之至哺
時下如大豆汁或如雞肝凝血蝦蟆子或如膏此
是病下也

治月經不通甚極閉塞方

牛膝 一斤

麻子

三升 蒸

土瓜根 三兩

桃仁 二升

右四味咬咀以好酒一斗五升浸五宿一服五合
漸加至一升日三能多益佳

治產後風冷留血不去停結月水閉塞方

桃仁

麻子仁

各二升

菴藷子 一升

右三味咬咀以好酒三斗浸五宿每服五合日三
稍加至一升

義術

破血以酒捷以湯丸而所用之味與湯丸無異惟

虎杖根竈突墨為散血利水之專藥其虎杖煎虎

杖土瓜根牛膝酒桃仁煎牛膝麻子土瓜桃仁酒

桃仁麻子菴藷酒等方皆桂心酒中一鱗片甲耳

治月經不通臍下堅結大如杯盤發熱往來下痢

羸瘦此為血痕若生肉癥不可為也療之方

生地黄

三十斤 乾漆 一斤 取汁 為末

右二味以漆末內地黃汁中微火煎令可丸每服

酒下如梧子大三丸不知加之常以食後服

衍義

生地黄得乾漆灰則寒而不滯乾漆灰得生地黄則威而不猛真破瘕之專藥但須審元氣可任者

用之

五京湯 治婦人腹中積聚九痛七害及腰中冷

引小腹害食得冷便下方

乾薑

蜀椒 各三兩

附子 一兩

吳茱萸 一升

當歸

狼毒

黃芩

牡蠣 各二兩

右八味為末蜜和丸如梧子初服三九日一加至

十九丸此出京氏五君故名五京久患冷困者當服

之

衍義

此於金匱九痛丸中除去人參巴豆二味乃加蜀

椒以下氣當歸以和血牡蠣以消堅黃芩以泄滿

蓋痛欲速療積宜緩追故用當歸黃芩以緩狼毒

附子之急也

雞鳴紫圓 治婦人癥瘕積聚方

皂莢 一分

藜蘆

甘艸

掃葉山房

礬石

烏啄

杏仁

乾薑

桂心

巴豆各二分

前胡

人參各四分

代赭五分

阿膠六分

大黃八分

右十四味為末蜜丸如梧子雞鳴時服一九日益
一九至五九止仍從一起下白者風也赤者癥瘕
也青微黃者心腹病

行義

皂莢藜蘆涌吐頑痰之首藥烏啄巴豆溫破堅積
之猛藥人參大黃補中寓瀉之聖藥識此精義餘
可例推矣

遼東都尉所上圓

治臍下堅癖無所不治方

恒山

大黃

巴豆各一分

天雄

苦參

白薇

乾薑

人參

細辛

狼毒

龍膽

沙參

元參

丹參各三分

芍藥

附子

牛膝

茯苓各五分

牡蒙四分

藿蘆六分

右二十味為末蜜丸宿勿食服五九日三大羸瘦
月水不調當二十五日服之下長蟲或下種種病

出二十五日服中所苦悉愈肌膚盛五十日萬病除斷緒者百子

衍義此治痰癖藥也痰癖多由風氣積聚故首推恒山以此胸中逆滿末取藿蘆以利臍下堅癖其他諸藥悉隨嚮導而建破積之功略無干於破血之味也

牡蠣圓 治經閉不通不欲飲食方

牡蠣 四兩 大黃 一斤 柴胡 五兩

乾薑 三兩 芎藭 各二兩半

蜀椒 十兩 葶藶子 芒硝

杏仁 各五合 水蛭 各半兩

桃仁 七十枚

右十三味為末蜜丸如梧子大飲服七九日三

衍義牡蠣葶藶為破結利水之要藥南陽治大病瘥後

腰以下有水氣用之此治經閉不通血化為水上

逆而見吐逆寒熱故用柴胡椒薑杏仁茯苓以下

氣蠱蛭消黃芩藟桃仁以破血與牡蠣澤瀉散同

源異派

赤白帶下崩中漏下第二十三首 論二首 方六十首 灸法八首

論曰諸方說三十六疾者十二癥九痛七害五傷三

瘡不通是也何謂十二癥是所下之物一曰狀如膏
 二曰如黑血三曰如紫汁四曰如赤肉五曰如膿痂
 六曰如豆汁七曰如葵羹八曰如凝血九曰如清血
 血似水十曰如米泔十一曰如月浣乍前乍却十二
 曰經度不應期也何謂九痛一曰陰中痛傷二曰陰
 中淋瀝痛三曰小便即痛四曰寒冷痛五曰經來即
 腹中痛六曰氣滿痛七曰汁出陰中如有蟲嚙痛八
 曰脇下分痛九曰腰膝痛何謂七害一曰窮孔痛不
 利二曰中寒熱痛三曰小腹急堅痛四曰藏不仁五
 曰子門不端引背痛六曰月浣乍多乍少七曰害吐
 何謂五傷一曰兩脇支滿痛二曰心痛引脇三曰氣
 結不通四曰邪思洩利五曰前後癰寒何謂三瘕一
 曰羸瘦不生肌膚二曰絕產乳三曰經水閉塞病有
 異同具治之方

白堊圓 治女人三十六疾方

又方見後

白堊

龍骨

芍藥

各十
八銖

黃連

當歸

茯苓

黃芩

瞿麥

白薇

石韋

甘艸

牡蠣

細辛

附子

禹餘糧

白石脂

人參

烏賊骨

藁本

柑皮

大黃各半兩

右二十一味為末蜜和丸如梧子大空腹飲服十
 九日再不知加之二十日知一月百病除若十二
 癥倍牡蠣禹餘糧烏賊骨白石脂龍骨若九痛倍
 黃連白藪甘艸當歸若七害倍細辛柑皮藁本加
 蜀椒茱萸各一兩若五傷倍大黃石韋瞿麥若三
 疝倍人參加赤石脂礬石巴戟天各半兩合藥時
 隨病增減之

衍義

白聖丸前後兩方統治婦人三十六疾究其所主

總不出帶下崩漏也方下所云十二癥者以子戶
 傷損所下種種各有徵驗雖非癥瘕若癥結不散
 久而具形漸成固疾矣子戶傷損血氣狼戾未有
 不為諸病者痛久不已未有不害及經府者所以
 一方能主諸疾諸疾不離崩帶所謂治病必求其
 本也方以白聖命名取其溫中益氣專主寒熱癥
 瘕月閉積聚石脂治崩中漏下禹餘糧治血閉癥
 瘕龍骨治漏下癥瘕結堅牡蠣治赤白帶下五者
 皆本經主治烏賊骨治氣竭肝傷月事衰少不來
 此則素問主治其藁本細辛專散下襲虛風石韋

瞿麥專祛下阻血熱芩連大黃專除內蘊積滯然
非人參不足以助其力非附子不足以鼓其雄不
特補瀉相需寒熱互用深得長沙妙旨而彙取兜
澀之品以安傷殘之餘庶幾痛止害平氣血漸復
是歸芍苓甘柑皮之屬雖庸不廢斯可藉以流布
也 其第二方主治不殊而虛寒過甚關閘廢弛
故取鍾乳佐白堊輩以固脫利竅薑桂蜀椒佐附
子以安中止崩白芷杜風治陰腫與藁本無異以
方中辛烈過多故無藉人參柑皮助氣耳 其後
月經不調例中復有白堊丸方乃於第一方中除
去大黃茯苓藁本柑皮易入薑桂椒芷于第二方
中除去鍾乳茯苓大黃仍從事於人參以無內蘊
之滯故用法稍平其隨病增減之妙長沙之後干
古一人而已

赤石脂圓 治女人腹中十二疾一曰經水不時
二曰經來如清水三曰經水不通四曰不周時
五曰生不乳六曰絕無子七曰陰陽減少八曰
腹苦痛如刺九曰陰中冷十曰子門相閉痛十
一曰經來凍如葵汁狀十二曰腰急痛凡此十
二病得之時因與夫臥起月經不去或臥濕冷

千金方衍義卷四
地及以冷水洗浴當時取快而後生百病或瘡
瘻未瘥便合陰陽及起早作勞衣單席薄寒從
下入方

赤石脂

半夏 各一兩
半銖

蜀椒

乾薑

吳茱萸

當歸

桂心

丹參

白薇

防風 各一兩

藿蘆 半兩

右十一味為末蜜和丸如梧子大每日空心酒服
十九日三不知稍加以知為度

白石脂圓 治婦人三十六疾胞中痛漏下赤白

方

白石脂

烏賊骨

禹餘糧

牡蠣 各十
八銖

赤石脂

乾地黃

乾薑

龍骨

桂心

石韋

白薇

細辛

芍藥

黃連

附子

當歸

黃芩

蜀椒

鍾乳

白芷

芎藭

甘州 各半兩

右二十二味為末蜜和丸如梧子大每日空心酒

下十五丸日再 一方有黃蘗半兩

衍義

婦人經癸不調總以溫理血氣為主或因形寒飲冷而阻絕不行或因房勞過劇而亡脫無度詳推治例必於固脫劑中兼散乾血庶兩得之所以赤石脂圓雖用石脂必兼薑桂椒萸辛溫散結則石脂無兜澀結痛之虞然非當歸丹皮不能使血歸經非白藪防風不能杜風祛熱更須半夏以清中焦營氣之原藿蘆以除癥瘕之積所謂標本兼該之治也 白石脂圓雖取白以固氣必兼赤以固血其禹餘糧等味則與白堊丸相彷彿用歸芍此

用芎地猶退藁本而進白芷之義也

小牛角鯁散 治帶下五賁一曰熱病下血二曰

寒熱下血三曰經脉未斷為房事則血漏四曰

經來舉重傷任脉下血五曰產後藏開經利五

賁之病外實內虛方

二牛角鯁一枚燒令赤 鹿茸 禹餘糧

當歸 乾薑 續斷各二兩

阿膠三兩 烏賊骨 龍骨各一兩

赤小豆二升

右十味治下篩空腹以酒服方寸七日三千金翼無鹿茸

烏賊骨

衍此方專主五賁下血方用角鯢以治帶下血崩鹿茸以治漏下惡血一止一散先為五賁之專藥禹餘糧以治帶下赤白血閉癥瘕能行能止匡佐上二味之功益力更以龍骨輔角鯢烏賊輔鹿茸皆寓止散之機阿膠專主內崩乾薑專溫中氣小豆專清小腸當歸續斷專主衝帶二脉之病為崩帶之緊關也

龍骨散 治淳下十二病絕產一曰白帶二曰赤

帶三曰經水不利四曰陰胎五曰子藏堅六曰

藏癰七曰陰陽患痛八曰內強九曰腹寒十曰

藏閉十一曰五藏酸痛十二曰夢與鬼交宜服

血之淳下一本作腹下

龍骨三兩

黃蘗各二兩

中竈中黃土

桂心

乾薑各二兩

石韋

滑石各一兩

烏賊骨

代赭各四兩

白殭蠶五十枚

右十一味治下篩酒服方寸七日三白多者加烏

賊骨殭蠶各二兩赤多者加代赭五兩小腹滿加

黃蘗二兩子藏堅加乾薑桂心各二兩已上各隨

病增之服藥三月有子卽住藥藥太過多生兩子
當審方取好藥寡婦童女不可妄服

衍義

前小牛角颯散專主內崩此龍骨散專清子藏方
中龍骨代赭竈中黃土各司癥瘕堅結赤沃漏下
胎漏下血之任桂心乾薑半夏各司通經散結温
中滌穢下氣運痰之任滑石石韋黃蘗各司濕熱
畱著癰閉不通陰傷蝕瘡之任烏賊殭蠶各司散
血行經祛風化痰之任與小牛角颯散相爲犄角
服藥三月有子得非宿有徵驗歟
治女子帶下諸病方

大黃

蒸三斗米下

附子

茯苓

牡蒙

牡丹

桔梗

葶藶

各三兩

厚朴

芎藭

人參

當歸

龜蟲

蜀椒

吳茱萸

柴胡

乾薑

桂心

各半兩

細辛

二兩半

右十八味爲末蜜和丸如梧子大每日空心酒服
二丸不知加之以腹中温温爲度
一本有麻子澤蘭無蜀椒葶藶
治帶下百病無子服藥十四日下血二十日下長
蟲及青黃汁出三十日病除五十日肥白方

大黃

破如豆粒熬令黑色

柴胡

朴硝

各一斤

芎藭

五兩

乾薑

蜀椒

各一升

茯苓

如雞子大一枚

右七味為末蜜和丸如梧子大先食米飲服七九不知加至十九以知為度

衍義

風從上受則為喘為嗽風從下入則為帶為崩是以千金治經候崩帶之疾必用杜風滌垢之味參入辛溫散結劑中世都莫解其故此方與六卷月

水不通例中當歸丸相類牡蒙丸當歸丸中但多

水蛭黃芩甘艸而無人參茯苓桔梗夫黃芩甘艸

與茯苓桔梗無所關係也惟水蛭人參攻補懸殊

牡蒙丸中但多蠱蟲前胡黃芩硝石而無蠱蟲柴

胡蠱蟲柴胡與蠱蟲前胡功用彷彿也惟硝石之

悍與當歸丸中水蛭角立也一專滌垢一專破血

且挾大黃附子之威無堅不克所以略更一二便

易方名其治帶下百病無子方即於女子帶下諸

病方中裁去其半服藥十四日下血二十日下長

蟲及青黃汁出得非味減力專之驗歟

治帶下方

枸杞根

一升

生地黃

五升

右二味咬咀以酒一斗煮取五升分三服

衍義

肥人帶下多屬痰濕瘦人帶下多屬陰虛此方專
用生地黃以清血熱則兼枸杞根以清蒸熱為瘦
人陰虛帶下腥稀色黃者之的方與胃中濕熱下
流色白粘厚者略無干涉然須酒煮方有和營逐
血之功

治婦人及女子赤白帶下方

禹餘糧

當歸

芎藭

各一兩半

赤白脂

白石脂

阿膠

龍骨

石五兩一兩

烏賊骨

黃蘗

白薇

黃芩

一作黃連

續斷

桑耳

牡蠣

各一兩

右十五味為末蜜和丸如梧子大空心飲下十五
丸日再加至三十九丸為度

衍義

帶下而至赤白交併明係患久虛脫故用鎮固而
兼按逐以治其本滋血而兼清熱以治其標標本
兼得之妙用惟千金得之

白馬蹄圓 治女人下焦寒冷成帶下赤白洗方

白馬蹄

鱉甲

附子

龜甲

蜀椒

各一兩

鯉魚甲

掃葉山房

甘艸

杜仲

磁石

當歸

續斷

草薺

禹餘糧

桑耳

芎藭

各二兩

右十五味為末蜜丸如梧子大以酒服十九加至

三十九日三服

一本無龜甲

衍義

赤白帶下積久不愈必有瘀結留著於內非辛溫

無以療之然血氣久傷草根本實不足以固其脫

故取異類有情之物方得同氣相感之力白馬蹄

龜鱉鯉魚甲皆厥陰任衝之嚮導以其襄填塞罅

漏之功禹餘糧磁石專行固脫蜀椒川附專行溫

散草薺桑耳一取入肝按風一主漏下赤白有散

斂相需之妙蓋白馬蹄專主白崩赤馬蹄專主赤

崩本經取治驚邪癰瘕乳難別錄取治衄血內崩

總取清理血室之用桑耳涼潤善祛子藏風熱不

但主漏下并可以治寒熱積聚積聚去則不難成

孕矣其用芎歸續斷杜仲甘艸不過調和血氣之

輔助耳

白馬駢散

治帶下方

下白者取白馬駢下赤者取赤馬駢隨色取之

白馬駢

龜甲

鱉甲

十八銖

牡蠣

一兩十銖

右四味治下篩空心酒下方寸七日三服加至一
七半

衍義

此方與前白馬蹄丸功用相仿而白馬駢與白馬
蹄功用亦相仿龜鱉二甲相為輔佐亦相仿惟牡
蠣鹹入腎有奠堅止漏之能可抵禹餘糧磁石之
功其主赤白帶下亦本經之旨駢卽是髻隨赤白
色燒灰用之

治五色帶下方

服大豆紫湯日三服

方見前三
卷風篇中

又方

燒馬左蹄為末酒服方寸七日三

又方

燒狗頭和毛皮骨為末以酒服方寸七

又方

煮餓帶汁服一杯良

又方

燒馬蹄底護乾為末酒服三寸七日三

衍義

狗屬腎溫補火土二臟取頭骨燒灰酒服則有止
血之功丹溪常用之

雲母芎藭散 衛公治五崩身瘦欬逆煩滿少氣

心下痛面生瘡腰痛不可俯仰陰中腫如有瘡
狀毛中癢時痛與子藏相通小便不利常拘急
頭眩頸項急痛手足熱氣逆衝急心煩不得臥
腹中急痛食不下吞酸噎苦上下腸鳴漏下赤
白青黃黑汁大臭如膠汚衣狀皆是內傷所致
中寒即下白熱即下赤多飲即下黑多食即下
黃多藥即下青或喜或怒心中常恐或憂勞便
發動大惡風寒方

雲母

芎藭

代赭

東門邊木

燒各一兩

白僵蠶

烏賊骨

白堊

蝟皮

各六銖

鱉甲

一作龜甲

桂心散令人伏龍肝

生鯉魚頭

各十銖

右十二味治下篩酒服方寸七日三夜一一方

有龍骨乾葛

衍義

詳方下諸證總是營血受傷火氣遊行隨虛而陷
之患五崩身瘦以下見證種種一皆內傷所致中
寒則下白以下見證又為飲食藥餌所傷更加喜
怒憂勞七情擾動則大惡風寒此元神不能固護
於外恐人誤認客邪所以特為招揭而立方首推
雲母以鎮攝虛陽代赭以斂固精血白堊以統領

諸氣伏龍肝以溫理脾胃脾胃為身之津梁津梁
充實氣血有所統攝矣其蝟皮烏賊鱉甲蠶蠶生
鯉魚頭血肉諸味咸為推陳致新之用獨桂心一
味合芎藭為從治虛熱之嚮導東門邊木取莖方
之氣燒灰以散瘀結也

慎火艸散 治崩中漏下赤白青黑腐臭不可近
令人面黑無顏色皮骨相連月經失度往來無
常小腹弦急或苦絞痛上至心兩脇腫脹食不
生肌膚令人偏枯氣息乏少腰背痛連脇不能
久立嗜臥困懶方 又方 見後

慎火艸 白石脂 禹餘糧

鱉甲 乾薑 細辛

當歸 芎藭 石斛

芍藥 牡蠣 各二兩 黃連

薔薇根皮 乾地黃 各四兩 熟艾

桂心 各一兩

右十六味治下篩空腹酒服方寸七日三稍加至
二七若寒多者加附子蜀椒熱多者加知母黃芩
各一兩白多者加乾薑白石脂赤多者加桂心代
赭各二兩

衍義婦人之患隱疾十常四五其受病之源有因風下
 襲因濕內著因冷積瘀因怒動血因勞傷經種種
 不同而所見之證有實有虛有虛中實滯有熱因
 寒阻有寒熱交錯則又隨所稟之偏與將息失宜
 所致也此方以慎火艸為主慎火即是景天力能
 辟火故又名慎火本經大熱火瘡身熱煩邪惡氣
 而用以治崩中帶下取其能祛肝家濕熱也佐以
 石斛黃連專為清火而設石脂餘糧專為固脫而
 設薑根辛艾專為溫經而設芍歸芍地專為和營
 而設鯨甲牡蠣專為軟堅而設薔薇根皮專為陰
 蝕不瘳而設亦本經之主治也 本門後復有慎
 火散一方以慎火艸熬黃殺其苦寒之性資以鹿
 茸龍骨阿膠當歸溫補固本藉慎火之清熱治標
 此中奧義惟千金得之

禹餘糧圓 治崩中赤白不絕困篤方

禹餘糧 五兩 白馬蹄 十兩 龍骨 三兩

鹿茸 二兩 烏賊骨 一兩

右五味為末蜜丸梧子大酒服二十九日再以知
 為度

衍義千金治崩漏多用血肉之味此用馬蹄鹿茸龍骨

烏賊皆止中寓散之意禹餘糧則專於固脫惟久崩困篤者宜之若瘀血固結少腹堅滿者則又未可輕試也

增損禹餘糧圓 治女人勞損因成崩中狀如月

經來去多不可禁止積日不斷五臟空虛失色

黃瘦崩竭暫止少日復發不耐動搖小勞輒劇

治法且宜與湯未宜與此丸也發時服湯減退

即與此丸若是疾久可以長與此方

禹餘糧

龍骨

人參

桂心

紫石英

烏頭

寄生

杜仲

五味子

遠志

各二兩

澤瀉

當歸

石斛

菴蓉

乾薑

各三兩

蜀椒

牡蠣

甘艸

各一兩

右十八味為末蜜丸梧子大空心酒下十九漸加

至二十九日三服

可義

勞損成崩而用溫補固脫宜矣若小勞復發之時

恐有瘀結未去又須先與湯液蕩平血氣然後用

禹糧石英龍骨牡蠣以振固脫之功椒薑烏桂以

建溫經之勳寄仲歸菴以資和營之用志味斛澤

以行通調之力人參甘艸以運諸藥之性洵為久疾長服之神丹也

治女人白崩及痔病方

槐耳 白薇 艾葉

蒲黃 白芷 黃芪

人參 續斷 當歸

禹餘糧 橘皮 茯苓

乾地黄 蝟皮 猪後懸蹄

白馬蹄 牛角鯁

右十七味為末蜜丸空心酒下二十九日一加

義此方雖列崩門而所重全在痔病故用槐耳專清

大腸血熱若主崩漏則用桑耳專清子藏風熱矣

至用芷薇蒲艾芪續歸地苓橘禹糧之屬乃相兼

二者之治惟牛鯁馬蹄為崩門專藥蝟皮猪蹄又

專主痔病而剋削最甚即有人參一味敵以上四

味之性尚恐不及安望其有補益之力哉

治婦人忽暴崩中去血不斷或如鵝鴨肝者方

小薊根 當歸 阿膠

續斷 青竹茹 芎藭

生地黄 金月下土 地榆

掃葉山房

馬通

一升赤帶用赤馬白帶用白馬

右十味咬咀以水八升和馬通汁煮取三升分三服不止頻服三四劑未全止

續服後九方

續斷

甘艸

地榆

鹿茸

小薊根

丹參

各三十銖

乾地黄

二兩半

芎藭

赤石脂

阿膠

當歸

各一兩半

龜甲

秦牛角

各三兩剉熬令黑

柏子仁

一兩集驗作柏葉

右十四味為末蜜丸如梧子大空心酒服十九日再後稍加至三十九

衍義

崩中起於忽暴明是不慎受傷而至去血不止如鵝鴨肝急需蕩滌為先非患久涉虛宜用溫補之比故取小薊竹茹破血為主而兼芎歸地續阿膠地榆和血之劑以佐薊根竹茹之力惟釜月下土以溫土和營馬通以逐血解毒也服三四劑稍可而未全止恐元神委頓則於前方除去馬通傷胃之味而進鹿茸牛髓龜甲固營之品更以石脂代釜月下土柏子仁以代竹茹又大減薊根佐以丹參甘艸此先後應敵者也

治女人崩中去赤白方

白馬蹄 五兩

蒲黃

鹿茸

禹餘糧

白馬鬃毛

小薊根

白芷

續斷 各四兩

人參

乾地黄

柏子仁

烏賊骨

黃芪

茯苓

當歸 各三兩

艾葉

菴蓉

伏龍肝 各二兩

右十八味為末蜜丸梧子大空心飲服二十九日
再加至四十九

行義此方温中散瘀兼得其奧允為調適久崩之合劑

當歸湯 治崩中去血虛羸方

當歸

芎藭

黃芩

芍藥

甘艸 各二兩

生竹茹 二升

右六味咬咀以水一斗煮竹茹取六升去滓內諸藥煎取三升半分三服忌勞動嗔怒禁房事百日
行義方下雖主崩中去血虛羸必竟血虛火旺火能消物所以羸瘦方用芎歸芍藥專行和血甘芩竹茹專清胃熱然惟始病用之為宜若久困虛羸當非此方可治也

治崩中晝夜十數行眾醫所不能瘥者方

芎藭八兩咬咀以酒五升煮取三升分三服不飲酒者水煮亦得

衍義

崩中而至晝夜十數行衆醫不能瘥必是瘀結占據血室而致血不歸經非辛散不能破結故專取芎藭一味大劑酒煮以行其滯庶子藏安和然後能瘥雖暴崩治法而耗氣最猛稍涉虛者慎勿輕投

治崩中下血出血一斛服之即斷或月經來過多及過期不來者服之亦佳方

吳茱萸

當歸 各三兩

芎藭

人參

芍藥

牡丹

桂心

阿膠

生薑

甘艸

各二兩

半夏

八兩

麥門冬

一升

右十二味咬咀以水一斗煮取三升分三服

衍義

此即金匱溫經湯原方妙用全在黃桂之散結薑半之滌垢尤妙在麥冬滋燥也

治暴崩中去血不止方

牡蠣

兔骨

各二兩半炙

右二味治下篩酒服方寸七日三

衍義

兔爲至陰之精骨乃腎氣之合能治產難下胎及

產後餘血不下配以牡蠣之專入少陰而本經主

治女子赤白帶下非取其軟堅散結之力歟

治女人白崩方

芎藭

桂心

阿膠

赤石脂

小薊根

乾地黃

伏龍肝

如雞子大一枚

右七味咬咀以酒六升水四升合煮取三升去滓

內膠令烊盡分三服日三

千金翼止六味無伏龍肝

義衍

即治婦人忽暴崩中去血不斷如鵝鴨肝後方之
的派變丸為湯水酒和煎取其立功之速也

伏龍肝湯

治崩中去赤白或如豆汁方

伏龍肝

如彈子大七枚

生薑

五兩

生地黃

四升一方五兩

甘艸

艾葉

赤石脂

桂心

各二兩

右七味咬咀以水一斗煮取三升分四服日三夜

義衍

此以伏龍肝赤石脂固脫而兼桂艾溫經地黃滋
血甘艸生薑開提胃氣以和寒熱之性也

大牛角中人散

治積冷崩中去血不止腰背痛

四肢沉重虛極方

牛角仁一枚

續斷

乾地黃

桑耳

白木

赤石脂

礬石

乾薑

附子

龍骨

當歸各三兩

人參一兩

蒲黃

防風

禹餘糧各二兩

右十五味治下篩以溫酒未食服方寸七日三不

知稍加

衍義

即前小牛角鯁散之變法方中地黃乃阿膠之變

桑耳乃赤小豆之變蒲黃乃烏鰂骨之變人參乃

鹿茸之變附子白朮專用溫經石脂礬石專行固

脫防風一味專祛子藏中風且治腰背痛四肢沉

重兼行地黃之滯以其積冷虛極非峻用溫補撓

澀必難取効耳

治崩中去血積時不止起死方

肥羊肉三斤

乾薑

當歸各三兩

生地黃二升

右四味咬咀以水二斗煮羊肉取一斗三升下地

黃汁及諸藥煮取三升分四服即斷尤宜羸瘦人

服之

衍義

即金匱當歸生薑羊肉湯因加入生地黃以滋血

故改用乾薑以行其滯

生地黄湯 治崩中漏下月去數升方

生地黄 一斤 細辛 三兩

右二味咬咀以水一斗煮取六升服七合久服佳

衍義

此治風入胞門蘊化為火而崩漏無度故尋用地黃以滋血室之熱細辛以散厥陰之風風散則火熄而血自安矣以有細辛之辛散故無藉於酒煮也

也

治崩中漏下赤白不止氣虛竭方

龜甲 一兩 牡蠣 各三兩

右二味治下篩酒服方寸七日三

又方

燒亂髮灰酒和服方寸七日三

又方

桑耳 二兩 鹿茸 十八銖

右二味以醋五升漬炙燥漬盡為度治下篩服方

寸七日三

又方

燒鹿角為末酒服方寸七日三

又方

燒桃核為末酒服方寸七日三

又方

地榆

知母

各指大
長一尺

右二味咬咀以醋三升東向竈中治極濃去滓服之

又方

桑木中蟬屎燒灰酒服方寸七

衍義

崩中而用龜甲牡蠣血熱妄行之治也 亂髮燒

灰酒服破宿生新之治也 桑耳鹿茸醋漬本虛

標熱之治也 鹿角燒灰酒服止中寓散之治也

桃核燒灰酒服散中寓止之治也 地榆知母

醋煮瀉火截崩之治也 桑木中蟬屎灰按風滌

垢之治也

以上丹方或用酒服以行其滯或用醋煮以截其崩總取味少力專貧家易辦之治若患久虛脫非大劑溫補良難克應也

治崩中下血羸瘦少氣調中補虛止血方

澤蘭

蜀椒

二兩
六銖

藁本

柏子仁

山茱萸

厚朴

各十
八銖

乾地黄

牡蠣

各一
兩半

代赭

桂心

防風

細辛

乾薑

各一兩

甘艸

當歸

芎藭

各一兩十八銖

蕪荑

半兩

右十七味治下篩空心温酒服方寸七日三神良一方加白芷龍骨各十八銖人參一兩十八銖爲二十味

衍義

此方雖言調中補虛止血而疎泄之藥反多于温養之味方中防風細辛藁本澤蘭柏仁搜風藥也厚朴蕪荑滌垢藥也蜀椒桂心温散藥也乾薑代赭牡蠣止截藥也惟芎歸地黃山萸甘艸爲滋養之品其羸瘦少氣起於崩中故先行搜風滌垢以潔淨血腑然後血得歸經而中自調虛自補血自止矣如虛脫過劇又當加方後等味尤爲得力

治崩中方

白茅根 三斤

小蘗根 五斤

右二味咬咀以水五斗煎取四斗稍稍服之外臺用酒煎崩中而用茅蘗二根專行清熱散血血散而崩自止外臺用酒煎尤宜

丹參酒 治崩中去血及產後餘疾方

丹參

艾葉

地榆

掃葉山房

忍冬

地黃 各五斤

右五味剉先洗日熟春以水漬三宿出滓煮取汁以黍米一斛炊飯釀酒酒熟榨之初服四合後稍稍添之

衍義

崩中去血產後餘疾總宜調和血氣丹參艾葉地黃地榆皆活血之品獨忍冬一味人但知其解毒祛膿不知其能利風虛有瀉中寓補之妙用用以釀酒頗盡營行經脈之旨

牡丹皮湯 治崩中血盛併服三劑即瘥方

牡丹皮

乾地黃

解脈 各三兩

禹餘糧

艾葉

龍骨

柏葉

厚朴

白芷

伏龍肝

青竹茹

芎藭

地榆 各二兩

阿膠 一兩

芍藥 四兩

右十五味咬咀以水一斗五升煮取五升分五服相去如人行十里久再服

衍義

崩中去血過甚非斂散交參溫涼兼濟無以克建其功效用龍骨禹糧地榆散用牡丹白芷厚朴解脈溫用膠艾芎藭伏龍涼用地芍竹茹柏葉斂散溫涼之義備矣

治崩中單方

燒牛角鯁末以酒服方寸七日三服亦治帶下

又方

桑耳燒令黑為末酒服方寸七日二服亦治帶

下

又方

生薊根一斤半搗取汁溫服亦可酒煮服之

又方

羊脰一具以酢煮去血服之即止忌豬魚酢滑

物犯之便死

土鯁乃肉中之骨專補腎肝之血脾肝腎三經藥

也 桑耳善祛子藏中風熱本經黑者主女子漏

下赤者治血病癥瘕積聚如無桑耳他樹上木耳

亦能治崩中漏下又為痔瘡專藥以其得濕熱之

氣從朽株浮長取同氣相感之力然必燒黑用之

小薊專力破血上吐用花下崩用根本乎天者

親上本乎地者親下也 羊性溫補而脰專滌垢

去血酢煮取其酸斂然最畏酢得酢則耗血不但

不可與豬魚酢食生椒亦須忌之

灸小腹橫文當臍孔直下百壯又灸內踝上三寸左右各百壯

論曰治漏血不止或新傷胎及產後餘血不消作堅使胞門不閉淋瀝去血經踰日月不止者未可以諸斷血湯宜且與牡丹丸散等待血堅消便停也堅血消者所去淋瀝便自止亦漸變消少也此後有餘傷毀不復處此乃可作諸主治耳婦人產乳去血多傷胎去血多崩中去血多金瘡去血多拔牙齒去血多未止心中懸虛心悶眩冒頭重目暗耳聾滿舉頭便悶欲倒宜且煮當歸芍藥各三兩以水四升煮取二升去滓分二服即定展轉續次合諸湯治之

白堊丸 治女人三十六疾胞中病漏下不絕方

又方見前

邯鄲白堊 禹餘糧 白芷

白石脂 乾薑 龍骨

杜心 瞿麥 大黃

石韋 白薇 細辛

芍藥 甘艸 黃連

附子 當歸 茯苓

鍾乳

蜀椒

黃芩

各半兩

牡蠣

烏賊骨

各十銖

右二十三味為末蜜丸梧子大空心酒服五丸日

再服不知加至十九

衍義

衍義見本卷第一方白堊丸下

治女人漏下或瘥或劇常漏不止身體羸瘦飲食

少或赤或白或黃使人無子者方

牡蠣

伏龍肝

赤石脂

白龍骨

桂心

烏賊骨

禹餘糧各等分

右七味治下篩空心酒服方寸七日二白多者加

牡蠣龍骨烏賊骨赤多者加赤石脂禹餘糧黃多

者加伏龍肝桂心隨病加之

張文仲同亦療崩中肘後無白龍骨以粥

飲服

衍義

方中渾是固脫惟桂心烏賊散血潤枯亦是固中

寓散之法又須隨所見之色而加增劑料不必更

易藥味也

鹿茸散治婦人漏下不止方

鹿茸

阿膠

烏賊骨

當歸

各二兩

蒲黃

一兩

右五味治下篩空心酒服方寸七日三夜再服

衍義

本虛標熱而見漏下不止故用鹿茸歸膠溫補衝督其力最專但漏下不止必有乾血內著又須烏賊蒲黃予以出路也 其後蒲黃散方下主治藥品與鹿茸散不異必竟瘀積較前稍甚虛寒較前稍輕故但取前方鹿茸當歸蒲黃三味以血不甚虛故無藉阿膠而鹿茸減料以無烏賊所以加用蒲黃遂以名方意在散血也

治女人產後漏下及病痔下血方

礬石 一兩 附子 一枚

右二味為末蜜丸梧子大空心酒下二九日三稍

加至五九數日瘥能百日服之永斷

衍義

漏下而用溫經固脫宜矣痔病下血亦用之者必患久虛脫方為合劑若腫赤疼墜不可誤用慎之

慎之

芎藭湯 治帶下漏血不止方

芎藭 乾地黃 黃芪

芍藥 吳茱萸 甘艸 各二兩

當歸 乾薑 各三兩

右八味咬咀以水一斗煮取三升分三服若月經

後因有赤白不止者除地黃吳茱萸加杜仲人參各二兩

衍義

芎歸地芍雖專調血不得甘芪不能助衛和營尤妙在薑莢之辛溫使血無阻積得以歸經而經後赤白不止非但不可用茱萸之濁燥即地黃之膩滯亦宜斟酌故退二味而進杜仲之益精人參以益氣精氣充而血液固矣

治漏下去血不止方

取水蛭治下篩酒服一錢許口二惡血消即能愈

衍義

水蛭於破血劑中首推峻厲稍涉虛者不可輕投減等而用蝨蠱再減而用漆灰桃仁未嘗不師金匱千金法也

治漏下神方

取槐子燒末酒服方寸七日三立瘥

衍義

槐為虛宿之精子能益腎明目用以燒末酒服以清血中之火其効最捷即痔漏下血亦不出此但稟氣虛寒食少便溏者禁用以其純陰乏生長之氣也

治漏下去黑方

乾漆

麻蕒舊本作麻黃

細辛

桂心

各一兩

甘艸

半兩

右五味治下篩以指撮著米飲中服之

衍義

漏下去黑明係瘀血內滯故用麻蕒甘艸佐漆灰桂心細辛以破宿血也麻蕒即麻實詩為有蕒其實是也舊本刊作麻黃亥豕之形似耳詳麻黃條下本經雖有破癥堅積聚一語而血滯於裏安有反行激發之理麻實條下本經止言補中益氣以其辛溫潤下故脾約證用之此方亦專取其潤以佐漆灰輩順下之力潤燥相需之妙全賴麻蕒一味復何疑乎

治漏下去赤方

白朮

二兩

白薇

半兩

黃蘗

二兩

右三味治下篩空心酒服方寸七日三

衍義

漏下去赤明係熱淫於內故用黃蘗之苦寒白薇之苦鹹以下泄之白朮之甘溫以內固之黃蘗治五臟腸胃結熱為女子漏下赤白之要藥白薇治產中虛煩嘔逆為傷中淋露之要藥白朮治痰濕帶下為散腰臍間血之要藥合三者以治濕熱漏下去赤何慮不直達肯綮耶

治漏下去黃方

黃連

大黃

桂心 各半兩

黃芩

麤蟲

乾地黃 各六銖

右六味治下篩空心酒服方寸七日三

衍義

漏下去黃明係脾胃受熱故用三黃而參地黃以滋血蠱蟲以破血桂心以鼓三黃之性而行地黃之滯也

治漏下去青方

大黃

黃芩

白薇 各半兩

桂心

牡蠣 各六銖

右五味治下篩空心酒服方寸七日三

衍義

漏下去青明係湯藥過傷肝脾受困而致血不歸經故用大黃黃芩以蕩滌濕熱牡蠣白薇以固傷中淋露桂心鼓舞二黃以破積結之瘀也

治漏下去白方

鹿茸 一兩

白薇 十八銖

狗脊 半兩

右三味治下篩空心米飲服方寸七日三

衍義

漏下去白明係下焦虛冷故用鹿茸以溫補督脉狗脊以強筋骨白薇以治陰中腫痛并解風氣百疾之蘊蓄為患督脉充筋骨強則氣血有所統禦

而無崩漏之虞矣

治女子漏下積年不斷困篤方

取鵲重巢柴燒灰作末服方寸七日三服三十日愈甚良 重巢者去年在巢中產今年又在 上作重巢產者是也

〔衍義〕

古人用方多有取義獲効者如此證之困篤不勝 湯藥而用鵲重巢灰端取高風不墜而能護卵生 雛之意其後消渴門中及肘後治睡中遺尿咸取 用之

馬通湯

治漏下血積月不止方

赤馬通汁

汁一

生艾葉

阿膠

各三兩

當歸

乾薑

各二兩

好墨

半兩

右六味咬咀以水八升酒二升煮取三升去滓內 馬通汁及膠微火煎取二升分再服相去如人行 十里久

〔衍義〕

漏下積月不止非溫熱毒蘊卽瘀垢生蟲故用馬 通專行滌垢而兼膠艾歸薑和營之品可謂當矣 更取焰燼之餘結成火土而現坎水之象以制離 火之災深得同氣相求之妙然非薑艾相需不無 止截之虞每見世醫治吐衄崩漏令人以墨入生

地黃汁中服之應手即止向後痲積月深盈科而行屢發屢截劫之不應倉扁不能復圖矣然千金治吐血方未嘗不用生地黃也然必兼辛散之制即用一味搗汁又須漬之以酒當無阻滯之患矣孰謂先聖之法不能體會其全漫採一二以圖目前僥倖而遺向後之戚乎

馬蹄屑湯 治白漏不絕方

白馬蹄 各五兩

烏賊骨 各四兩

附子 各三兩

甘艸 二兩

右十一味咬咀以水二斗煮取九升分六服日三

即愈

馬蹄圓 治白漏不絕方

白馬蹄 各四兩

烏賊骨 各二兩

右六味為末蜜丸梧子大酒服十九不知加至三

十九

衍義

夫一病而治分先後不同者隨其勢之緩急也此以馬蹄龍骨餘糧石脂專行固脫烏賊專治血枯

彊蠶專祛風疾全得治本之奧而歸地專和營血
又恐烏賊之攻血不逮則以附子鼓之龍骨之兜
瀋不逮乃以牡蠣佐之方中斂散交錯寒熱互用
因以甘艸和之以其勢緊不得以湯液爲之前
導服後崩勢稍寧則當用丸緩圖仍不出乎此方
但當就簡刪繁方爲合法

慎火艸散

治漏下方

又方
見前

慎火艸

十兩
熬黃

當歸

鹿茸

阿膠

各四兩

龍骨

半兩

右五味治下篩先食酒服方寸七日三

蒲黃散

治漏下不止方

蒲黃

半升

鹿茸

當歸

各二兩

右三味治下篩酒服五分七日三不知稍加至方寸七

衍義並見前

灸法

女人胞漏下血不可禁止灸關元兩傍相去三寸

女人陰中痛引心下及小腹絞痛腹中五寒灸關儀

百壯穴在膝外邊上一寸宛宛中是

女人漏下赤白及血灸足太陰五十壯穴在內踝上

三寸足太陰經內踝上三寸名三陰交

女人漏下赤白月經不調灸交儀三十壯穴在內踝上五寸

女人漏下赤白灸營池四穴三十壯穴在內踝前後兩邊池中脉上一名陰陽是

女人漏下赤白四肢酸削灸漏陰三十壯穴在內踝下五分微動脚脉上

女人漏下赤白泄注灸陰陽隨年壯三報穴在足拇趾下屈裏表頭白肉際是

月經不調第二十一 方二十三首 灸法一首

白堊丸 治婦人月經一月再來或隔月不來或多或少淋瀝不斷或來而腰腹痛嘔吸不能食心腹痛或青黃黑色或如水舉體沉重方

白堊 白石脂 牡蠣

禹餘糧 龍骨 細辛

烏賊骨 各一兩半 當歸 芍藥

黃連 黃芩 乾薑

桂心 人參 瞿麥

石葦 白芷 白蘘

附子 甘艸 各二兩 蜀椒 半兩

右二十一味為末蜜丸梧子大空心酒下二十九日三至月候來時日四五服為佳

衍義

見本卷赤白帶下門白堊丸下

桃仁湯 治產後及墮身月來不調或淋瀝不斷

斷後復來狀如瀉水四體噓吸不能食腹中堅痛不可行動月水或前或後或經月不來舉體

沉重惟欲眠臥多思酸物方

桃仁五十枚

澤蘭

甘艸

芎藭

人參

牛膝

桂心

牡丹皮

當歸

芍藥

生薑

半夏各四兩

地黃八兩

蒲黃七合

右十四味以水二斗煮取六升半分六服

衍義

月經不調雖衝脉受病衝脉繫附厥陰肝經而能

統制厥陰者又在中土土旺則木榮土衰則木敗

理固然也方下所言狀如瀉水非土衰不能制水

之驗乎多思酸物非肝虛求助於味之驗乎腹中

堅痛非胞宮乾血內滯之驗乎此門諸方除白堊

丸惟此方專調土衰木敗方中芎藭芍地專調衝

脉之虛參甘薑半專扶胃氣之衰桃丹蒲澤專疎

胞宮之滯桂心牛膝一破堅結一潤血枯枯血潤而下行無阻堅結散而正氣自調當無前後失期之患矣此後杏仁湯以下十餘方總皆攻血之劑也

杏仁湯 治月經不調或一月再來或兩月三月

一來或月前或月後閉塞不通方

杏仁 二兩 桃仁 一兩 大黃 三兩

水蛭 各三枚

右五味咬咀以水六升煮取二升分三服一服當有物隨大小便有所下下多者止之少者勿止盡

三服

衍義

此方專主乾血內滯過期不通故以抵當湯加入杏仁散氣之味以駕馭破血諸藥不言抵當者專歸功於杏仁也

大黃朴硝湯 治經年月水不利胞中有風冷所

致宜下之方

大黃 各五兩 牛膝 各五兩 朴硝

牡丹 甘艸 紫苑 各三兩一

代赭 一兩 桃仁 蟲蟲 作紫葳

水蛭 乾薑 細辛

焰硝

各二兩舊本作苾硝 麻仁 五合

右十四味咬咀以水一斗五升煮取五升去滓內硝令烊分五服五更為首相去一炊頃自下後將息忌見風

衍義

方以抵當參入二硝薑辛以破胞中風冷尤妙在代赭一味能治鬼疰賊風蠱毒腹中毒邪女子赤沃漏下皆本經之義但舊本焰硝刊作苾硝苾硝與朴硝本是一物何必兩用況胞中風冷非焰不能散之其餘牛膝牡丹紫苑麻仁甘艸皆潤下之佐使耳

茱萸蠱蟲湯 治久寒月經不利或多或少方

吳茱萸 三升

蠱蟲

水蛭

蠱蟲

牡丹 各一兩

生薑 一斤

小麥

半夏 各一升

大棗 二十枚

桃仁 五十枚

人參

牛膝 各三兩

桂心 六兩

甘艸 一兩半

芍藥 二兩

右十五味咬咀以酒一斗水二斗煮取一斗去滓適寒溫一服一升日三不飲酒者以水代之湯欲成乃內諸蟲不耐藥者飲七合

衍義

前湯專攻胞中風冷積血故須薑辛焰硝此方專

治久寒月經不利又須吳萸桂心其他生薑以代乾薑蘼蟲以佐蠃蛭芍藥以助牡丹半夏以勸萸桂彼以勢劇非攻不克故用硝黃此以本虛雖攻不應故用人參專扶藥力小麥益肝大棗和脾則又人參輔弼耳

抵當湯 治月經不利腹中滿時自減并男子膀胱

膀胱急方

虎掌 千金翼作虎杖

大黃 各二兩

桃仁 三十枚

水蛭 二十枚

右四味以水三升煮取一升盡服之當下惡血為

度

衍義

抵當者金匱方中除去蠃蟲而進虎掌也是必風痰襲入于瘀交相助虛為患故去彼取此然曷不去蛭存蟲尤為穩當虎掌逐風虎杖破血當從翼

方為是

七熬圓 治月經不利手足煩熱腹滿默默不欲

寤心煩方

大黃 一兩半

前胡 一作柴胡

芒硝 熬各五兩

葶藶

蜀椒 并熬各六銖

生薑

芎藭

茯苓 各十銖

杏仁 熬九銖

掃葉山房

桃仁二十枚 熬

蠱蟲熬

水蛭半合 熬

右十二味為末蜜丸梧子大空腹飲服七九日三

不知加一倍一方有蠱蟲牡丹各二兩千金翼無芎藭

衍義七熬之制兼取抵當陷胞之法抵當方中蠱蛭未

有不熬而用者大陷胸丸杏仁葶藶皆熬黑用則

專滌垢膩杏仁葶藶可熬則桃仁蜀椒芫硝無不

可熬熬則下氣愈疾大黃芎藭前胡生薑皆下氣

之用耳

桃仁散治月經來繞臍痛上衝心胸往來寒熱

如瘧疰狀方

桃仁五十枚

蠱蟲二十枚

桂心五寸

茯苓一兩

薏苡仁

牛膝

代赭各二兩

大黃八兩

右八味治下篩隔宿勿食温酒服一錢七日三

衍義經來繞臍衝痛明係乾血上逆往來寒熱如瘧乃

是血室受病血屬少陽也方本金匱下瘀血湯加

桂心以破乾血代赭以鎮逆氣牛膝茯苓薏苡以

資諸藥潤下之力也

治月經往來腹腫腰腹痛方

蠱蟲四枚

蜀椒

乾薑各六銖

大黃

女青

桂心

芎藭

各半兩

右七味治下篩取一刀圭先食酒服之日三十日微下善養之

衍義

於下瘀血湯中除去桃仁而加椒薑芎桂辛散破結之品兼女青之散血解毒則桃仁可無藉矣

牡丹大黃湯治月經不調或月前月後或如豆

汁腰痛如折兩脚疼胞中風寒下之之方

大黃

朴硝

各四兩

牡丹

三兩

桃仁

人參

陽起石

茯苓

甘艸

水蛭

蝨蟲

各二兩

右十味咬咀以水九升煮取三升去滓內朴硝令烱盡分三服相去如一飯頃

衍義

專取抵當下血為主加朴硝佐大黃則有推陳致新之功人參得陽起則有扶陽破陰之勳陽起得

蝨蛭則破血之力倍勝茯苓甘艸則又人參之助

牡丹則桃仁之助也

陽起石湯治月水不調或前或後或多或少乍

赤乍白方

陽起石

甘艸

續斷

乾薑

人參

桂心各二兩

附子一兩

赤石脂三兩

伏龍肝五兩

生地黄一升

右十味以水一斗煮取三升二合分四服日三夜

衍義

於四逆湯中加陽起人參則有陽生陰長之功散子藏中之血積伏龍石脂專行固脫地黄續斷專續傷中桂心佐薑附則破寒結兼行地黄之滯也治婦人憂恚心下支滿膈中伏熱月經不利血氣

上捨心欲嘔不可多食懈怠不能動方

大黃

芍藥

蟲蟲各二兩

土瓜根

蜀椒

黃芩

白朮

地骨皮一作炭皮

乾薑

芎藭各一兩

桂心

乾漆各一兩

右十二味為末蜜丸梧子大每服十九日三不知

加之千金翼有炭皮名炭皮丸

衍義

於椒薑朮桂辛烈劑中而兼大黃黃芩芍藥骨皮以泄旺氣乾漆蟲蟲芎藭土瓜根以破宿血標本兼得之治也

牛膝圓 治產後月水往來乍多乍少仍復不通
時時疼痛小腹裏急下引腰身重方

牛膝 芍藥 人參

大黃 各三兩 牡丹皮 甘艸

當歸 各二兩 芎藭 各二兩 桂心 一兩

麤蟲 蟬蛻 各四枚

蟲蟲 水蛭 各七枚

右十四味為末蜜丸梧子大酒服五九日三不知
稍增

此方於大黃麤蟲丸中採取蟲蛭麤蟻大黃芍藥

甘艸七味加入蜚蠊牛膝丹桂芎歸人參七味較
大黃麤蟲丸中乾漆地黃黃芩桃杏仁之力倍峻
總由百勞薯蕷方中參入芎藭人參鼓舞諸蟲破
血之力端不出金匱之繩墨也

又方

鹿角末服之良

衍義 鹿角專行督脉為腎藏之外垣外垣堅緝可無五
液注下之虞矣

又方

生地黄汁三升煮取二升服之

又方

飲人乳汁三合善

又方

燒月經衣并花水服之

衍義

即以其人之道還治其人之身此方得之

又方

燒白狗屎焦為末酒服方寸七日三

又方

取白馬屎服一升良

治月經不斷方

船茹一斤淨洗河水四升半煮取二升分二服

衍義

石灰黃麻並能散瘀止血且為船茹歲久性純用以填塞罅漏不特取義兼得二物之性也

又方

服地黃酒良

衍義

地黃寒滯得酒之溫散可無膩阻止截之患

又方

服大豆酒佳

衍義

即大豆紫湯衍義見四卷中風門

又方

燒箕舌灰酒服之

又方

灸內踝下白肉際青脉上隨年壯

原真人千金方衍義卷四

終

